



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ
Ո Ր Ո Շ ՈՒ Մ**

12 ապրիլի 2019 թվականի №96Ա
քաղ. Երևան

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ
ԿԱՐԳԱՎՈՐՈՂ ՀԱՆՁՆԱԺՈՂՈՎԻ 2018 ԹՎԱԿԱՆԻ ՀՈԿՏԵՄԲԵՐԻ 10-Ի
№386Ա ՈՐՈՇՈՒՄՆ ՈՒԺԸ ԿՈՐՑՐԱԾ ՃԱՆԱԶԵԼՈՒ ՄԱՍԻՆ**

Հաշվի առնելով, որ՝

- ա) Հայաստանի Հանրապետության հանրային ծառայությունները կարգավորող հանձնաժողովի (այսուհետ՝ Հանձնաժողով) 2008 թվականի սեպտեմբերի 17-ի №502Ա որոշմամբ անհատ ձեռնարկատեր Վանո Դավթյանին (այսուհետ՝ անհատ ձեռնարկատեր) տրամադրված ռադիոհաճախականության օգտագործման №0440 թույլտվության գործողության ժամկետը սահմանված էր մինչև 2018 թվականի սեպտեմբերի 17-ը, և անհատ ձեռնարկատերն այն երկարաձգելու հայտով չի դիմել Հանձնաժողով,
- բ) Երևան քաղաքի Էրեբունի և Նուբարաշեն վարչական շրջանների ընդհանուր իրավասության դատարանի (այսուհետ՝ դատարան) 2014 թվականի հունիսի 2-ի №ԵԷԴ/0054/04/13 վճռով անհատ ձեռնարկատերը սնանկ է ճանաչվել,
- գ) Հանձնաժողովը՝ տեղեկանալով անհատ ձեռնարկատիրոջ սնանկ ճանաչվելու փաստի վերաբերյալ, 2014 թվականի սեպտեմբերի 4-ի №ՍԱ-1950Հ, 2017 թվականի մարտի 6-ի №ՌՆ-525Հ, 2017 թվականի նոյեմբերի 13-ի №ՌՆ-2897Հ, 2018 թվականի փետրվարի 13-ի №ՌՆ-311Հ և 2018 թվականի մայիսի 8-ի №ՌՆ-957Հ գրություններով 1 545 105 (մեկ միլիոն հինգ հարյուր քառասունհինգ հազար հարյուր հինգ) դրամ գումարի չափով պահանջ է ներկայացրել դատարան,
- դ) Հանձնաժողովի 2018 թվականի հոկտեմբերի 10-ի №386Ա որոշմամբ (այսուհետ՝ №386Ա որոշում) անհատ ձեռնարկատերը պարտավորեցվել է ռադիոհաճախականության օգտագործման պարտադիր վճարների մասով հաշվարկված 827 635

(ուր հարյուր քսանյոթ հազար վեց հարյուր երեսունհինգ) դրամ պարտքը փոխանցել
Հայաստանի Հանրապետության պետական բյուջե,

ե) 2018 թվականի հոկտեմբերի 23-ին անհատ ձեռնարկատերը, իսկ հոկտեմբերի 24-ին
վերջինիս սնանկության գործով կառավարիչը՝ №386Ա որոշումը վերանայելու
միջնորդությամբ դիմել են Հանձնաժողով,

զ) Հայաստանի Հանրապետության պետական բյուջեի նկատմամբ անհատ
ձեռնարկատիրոջ պարտավորության գումարի չափով Հանձնաժողովը
№ԵԷԴ/0054/04/13 սնանկության գործի շրջանակում պահանջ է ներկայացրել
դատարան, և №386Ա որոշման անհրաժեշտությունն ըստ էության բացակայում է,
ուստի Հանձնաժողովը նպատակահարմար է գտնում այն վերանայել, և

հիմք ընդունելով «Էլեկտրոնային հաղորդակցության մասին» օրենքի 57-րդ
հոդվածը, «Սնանկության մասին» օրենքի 39-րդ հոդվածը, «Նորմատիվ իրավական
ակտերի մասին» օրենքի 1-ին հոդվածի 2-րդ մասը, 37-րդ հոդվածը՝ Հանձնաժողովը
որոշում է.

1. Վերանայել և ուժը կորցրած ճանաչել Հանձնաժողովի 2018 թվականի հոկտեմբերի
10-ի «Անհատ ձեռնարկատեր Վանո Դավթյանին Հայաստանի Հանրապետության
պետական բյուջե գումարի փոխանցում պարտավորեցնելու մասին» №386Ա
որոշումը:

2. Ընդունել ի գիտություն, որ անհատ ձեռնարկատերն իրավասու է.

ա) սույն որոշման հրապարակումից հետո երեսնօրյա ժամկետում միջնորդել
Հանձնաժողովին՝ վերանայելու այն.

բ) սույն որոշումն ուժի մեջ մտնելու պահից երկամսյա ժամկետում այն բողո-
քարկել Հայաստանի Հանրապետության վարչական դատարան:

3. Սույն որոշումն ուժի մեջ է մտնում անհատ ձեռնարկատիրոջը և վերջինիս
սնանկության գործով կառավարչին օրենքով սահմանված կարգով իրազեկելու
օրվան հաջորդող օրվանից:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ
ՍԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ
ՀԱՆՁՆԱԺՈՂՈՎԻ ՆԱԽԱԳԱՀԻ ՏԵՂԱԿԱԼ՝**

ք. Երևան
12 ապրիլի 2019թ.

